

# 抗 建 新 詠

著 者 許 永 璋



勝 年 利 勝 日 印 行

永璋先生手著扶建新詠

龍眠舊雨散如煙

闕竊文章久不傳

猶有君家延一脈

江山殘夢入詩篇

蟲沙歷劫故園心  
氣象南陽漸可尋  
鏡吹已收禾黍淚  
蕭疏白髮且微吟

許世英題



## 自序

詩之道難言！然亦不必言。縱言，亦僅能爲同好者發其一二耳。吾國風雅，萃於三百篇，雖閭巷之歌謠，寓深醇之教化，溫柔敦厚，真美備焉。逮楚靈均，處衰季之世，作怨憤之鳴，雅一變而爲騷，詩於是乎亡，教於是乎廢，風俗亦頹然以衰矣。秦漢以還，詞人紛出，作風凌亂；或哀怨橫舒；或慢飾矯襲；或淫佻詭巧；或風容色澤；或洴浪精清；靡不臻其晦澀細碎之極，輝煌立世之宏猷，浸淫而爲伴狂玩世之末技。漢之遞魏，曹子建砥柱橫流，播雅音之一線，詩乃得其宗，至唐而有杜子美焉。子美詩之聖也！攝塵淪於微茫，通靈犀乎一點，無一字而非風雅之蘊，無一言而非家國之音。其氣勢雄渾，詠調瑰麗，風格挺高，聲韻朗暢，皆餘技也，猗歟盛哉！子美死，詩之津乃復不可問。宋之詞，元之曲，固窮而變之必然現象；數其歸，蓋未免離於宗。有明之詩人，失之摹擬，少創造力。降清，卒趨纖細，琢飾害真。民國肇造，歐風自海外來，當時之無韻新詩作，風行一時，此雖奇制，究無辨於小品散文，而於詩也，大有逕庭。太炎謂爲不必名之以詩，然乎否乎？處此新舊思潮交流之際，趨新遺舊，泥古羞今，腐化脫空，各有偏宕。必也匯新舊於一脈，治今古於一爐，而後始可尋

抗建新詠 自序

二

藩籬窺堂奧焉。余自幼酷嗜詩，沉潛三百篇，心焉嚮往，涉獵他經，穿鑿多不稱意；於詩人集中，獨喜曹杜詩，至今似成隱癖。先入爲主歟？影響相從歟？抑氣類之相感，有不能自遏者歟？余固私淑予美，欲跡其所以恢往哲之志爲志，剔抉民族抗戰來詩稿，存其三百，名爲抗建新詠，刊公社會。願與留心風雅人士，比意同力，宏厥成規，不炫新奇不拘陳腐，不遜時代，不瞽入言，將神遊太虛，而與造物者謀，其與也風興，萬靈怒號，筆等並奏；其休也風休，萬壑靜寂，天地同凝。行其所不得不行，止其所不得止，高也，明也，博也，厚也，殆不必斤斤而自吻合也。果能此道矣，仁遠乎哉！發憤一道，雖盡欲言，知我心懷，當可鑑亮。

中華民國三十四年許永璋自序於大別山中



# 抗建新詠目錄

|                                      |   |                              |   |
|--------------------------------------|---|------------------------------|---|
| 我我歌.....                             | 一 | 暑期別諸生.....                   | 五 |
| 蘆溝抗敵.....                            | 二 | 題新編國語常識.....                 | 五 |
| 江甯失陷.....                            | 二 | 送吳父貴陶毓文陳國斌之洛陽軍校.....         | 五 |
| 去無踪.....                             | 三 | 游暮別諸生.....                   | 五 |
| 保衛長江.....                            | 三 | 孤鳳.....                      | 五 |
| 立煌途中遇雪.....                          | 四 | 客中游暮卽示汪俊張亮吳如達黃中強<br>諸學林..... | 六 |
| 謝方榮君先生賜書長幀.....                      | 四 | 聞園詩老出示吳至父先生手鈔時文因<br>題一絕..... | 六 |
| 謁方仲斐先生.....                          | 四 | 贈汪俊張亮黃樹三學棣盛燕.....            | 六 |
| 三十年元旦偶聚方君曉舫滕窩薑室獲<br>秋山紅樹圖一幅賦此報之..... | 四 | 贈鐵夫兄.....                    | 六 |
| 春雨.....                              | 四 | 鵝鼻.....                      | 六 |
| 贈光鐵夫兄.....                           | 四 |                              |   |

# 抗建新詠目錄

二

|                      |    |                          |    |
|----------------------|----|--------------------------|----|
| 暮雨.....              | 七  | 東歸賦用磨字均寄聞園詩老.....        | 一〇 |
| 東歸途中遇雨.....          | 七  | 暑夜.....                  | 一〇 |
| 夜坐.....              | 七  | 喜雨.....                  | 一〇 |
| 杏花.....              | 七  | 征婦詞.....                 | 一〇 |
| 送學生出征漢水.....         | 八  | 和六叔父和字均.....             | 一一 |
| 夏日雜感.....            | 八  | 不屑.....                  | 一一 |
| 閒步河干.....            | 八  | 問天.....                  | 一一 |
| 久雨.....              | 八  | 新秋.....                  | 一二 |
| 和何生劍秋.....           | 九  | 八音歌呈六叔父.....             | 一二 |
| 集句和聞園詩老磨字韻.....      | 九  | 某君邀飲賦此以謝.....            | 一二 |
| 端陽.....              | 九  | 詠懷擬山谷二十八宿歌.....          | 一二 |
| 題葛冰如蜀游吟草.....        | 九  | 盤中鷄.....                 | 一二 |
| 晝長無事看南華經神倦癡坐入幻境..... | 一〇 | 桂生翥不遠百里來問學殊可喜臨行賦詩畀之..... | 一二 |
| 既覺不覺自笑.....          | 一〇 | 答聞園詩老.....               | 一三 |
| 過泮渡.....             | 一〇 |                          |    |

|                 |    |               |    |
|-----------------|----|---------------|----|
| 生日（并序）          | 一四 | 哭曾攸遠兄         | 二一 |
| 題二臨中第五屆畢業紀念冊    | 一四 | 丁劍銘世伯輓詞       | 二一 |
| 得聞園詩老見懷大詠不藝有感綴句 | 一四 | 三十二年元旦書懷      | 二一 |
| 見               | 一四 | 和孫祥真兄槐溪大詠（并序） | 二一 |
| 九日              | 一四 | 立煌            | 二一 |
| 聞園詩老函約浮山講學聯吟抱病愧 | 一五 | 過鵝毛嶺          | 二三 |
| 難應命感賦二律見意兼柬吳校長  | 一五 | 過宛柱嶺          | 二三 |
| 西征（并序）          | 一五 | 逢聞園詩老         | 二三 |
| 秋               | 一七 | 逢方意瓊先生        | 二三 |
| 和內子疏瀹觀月詩        | 一七 | 哭三女龍生         | 二四 |
| 涼風感事            | 一七 | 舊曆除夕          | 二四 |
| 病後口號寄奉聞園詩老      | 一七 | 和聞老癸未元旦春字均    | 二四 |
| 西征途中二十絕         | 一八 | 和許難先長律四章      | 二四 |
| 贈譚曙東世伯          | 二〇 | 古意            | 二五 |
| 中恕卿九生挽詞         | 二一 | 擬太白三五七言       | 二五 |
| 贈吳文樹先生          | 二一 |               |    |



# 抗建新詠 目錄

## 四

|                       |    |                     |    |
|-----------------------|----|---------------------|----|
| 這和先王父希白公遺詩元韻(井序)..... | 二五 | 聞園詩老見寄鋤草大詠          | 二二 |
| 以詩代壽呈六叔父.....         | 二七 | 二章次均兼寫農村狀況.....     | 二二 |
| 再和祥其兄鶴溪大詠.....        | 二七 | 問答.....             | 二二 |
| 夢.....                | 二八 | 讀吳德賽.....           | 二二 |
| 寄潘季野先生.....           | 二八 | 和內子疏論勞字韻(井序).....   | 二二 |
| 端陽.....               | 二八 | 七月七日頌敵大舉竄鄉李承祖兄被俘    | 二二 |
| 答內子疏瀉焚香詩(井序).....     | 二九 | 縱陽歸言羣奸助虐苦痛因以志之..... | 二二 |
| 老婦嘆.....              | 二九 | 頸長從獨坐圖.....         | 二三 |
| 返照.....               | 三〇 | 贈別李承祖兄.....         | 二三 |
| 長望日.....              | 三〇 | 酬紹呂姻長.....          | 二三 |
| 四時樂.....              | 三〇 | 南陽風雅集題詞二十韻.....     | 二三 |
| 有所感戲呈十叔父.....         | 三一 | 瀏覽南湖市游草用孫寒崖韻.....   | 三四 |
| 竟江愛納兒(井序).....        | 三一 | 效阮步兵一日復一日用昌黎韻.....  | 三四 |
| 脫破袴.....              | 三一 | 南山有怪虎打.....         | 三五 |
| 聞縱陽寇退喜書長句四韻.....      | 三二 | 辟亂石溪染病六叔書問病狀兼言里     | 三五 |
|                       |    | 中多艱感賦一律是之.....      | 三五 |

|                                                             |    |                                               |    |
|-------------------------------------------------------------|----|-----------------------------------------------|----|
| 念曾學作詩喜書四韻示之                                                 | 三五 | 客路遇雨寄內                                        | 三八 |
| 天道用于院長韻                                                     | 三五 | 朝涉柳林河                                         | 三八 |
| 林故主席祝詞                                                      | 三六 | 東亞雄風曲                                         | 三八 |
| 哭四女夏珍                                                       | 三六 | 元首頌                                           | 三九 |
| 秋日有懷馬茂元兄                                                    | 三六 | 保衛長江曲                                         | 三九 |
| 贈王鶴吾先生                                                      | 三六 | 題櫻花野鴿圖                                        | 三九 |
| 吳梅森兄新長蘆山師範聘授高師文<br>史意極懇摯余以年來飽經憂患情<br>懷惡由學業荒牧爲任重忍誤牛幸<br>詩以謝之 | 六六 | 秋月三首                                          | 三九 |
| 寄光嚴夫馬后文兩兄                                                   | 三七 | 霍帥高三學生因事與人爭旋以余言<br>讓步喜書長句四韻示之                 | 三九 |
| 懷王旬牛兄                                                       | 三七 | 和張生成合                                         | 三九 |
| 中秋閨中望月                                                      | 三七 | 凌生步月贈余一聯爲指點迷津<br>語步趨清月浴天君情深摯乃加<br>二句成七絕一章卽以示之 | 四〇 |
| 美人歌                                                         | 三七 | 許時生溥所作詩                                       | 四〇 |
| 贈李則綱先生                                                      | 三七 | 贈汪開模先生                                        | 四〇 |
| 祝大同學會                                                       | 三八 |                                               |    |

|                                                                                   |    |
|-----------------------------------------------------------------------------------|----|
| 甜適之先生和任叔永詩曰：詩國革命何自始要須作詩知作文琢鏤粉飾喪元氣貌似未必詩之純小人行文頗大膽諸公一一皆人英願共僂力莫相笑我輩不作腐儒生余讀之不禁動所欲言步韻見意 | 四〇 |
| 許生文炳遺我翁覃溪石湖詩話兩冊並題曰我愛我師愛真理之句感而有詩即以報之                                               | 四一 |
| 和潘季野先生告存詩四首                                                                       | 四一 |
| 和陳國詩老祝耆老大會詩元均（并序）                                                                 | 四一 |
| 題象山師範高師第三屆畢業同學錄                                                                   | 四二 |
| 題老翁拾靈芝圖                                                                           | 四二 |
| 題生耀球斥鴳眺芙蓉圖                                                                        | 四三 |
| 題微喬兄索文炳枇杷圖并囑余題詩作爲贈一章                                                              | 四三 |
| 吳良梓兄索得文炳枇杷圖因題句以贈                                                                  | 四三 |
| 畢業歌                                                                               | 四三 |
| 贈秋野六韻                                                                             | 四三 |
| 題竹林翠鳥圖                                                                            | 四四 |
| 贈李慕飛先生                                                                            | 四四 |
| 三十三年元旦                                                                            | 四四 |
| 客中農歷元旦                                                                            | 四四 |
| 題畫二絕                                                                              | 四四 |
| 三月二十九日悼黃花崗七十二烈士                                                                   | 四五 |
| 陳孝侯先生著惟手論成詩以頌之                                                                    | 四五 |
| 論詩                                                                                | 四五 |
| 發狂                                                                                | 四五 |
| 和朱鹿門先生耆老會詩元均                                                                      | 四五 |
| 題柳陰一女研孤舟圖                                                                         | 四六 |
| 客寓書懷呈陳孝侯先生                                                                        | 四六 |
| 理髮                                                                                | 四六 |

|                                                                 |    |                     |    |
|-----------------------------------------------------------------|----|---------------------|----|
| 念兒翁                                                             | 四六 | 和聞園詩老乙酉元旦元均         | 五〇 |
| 題蒼秋紅葉圖                                                          | 四六 | 戲鴻堂法帖題詞             | 五〇 |
| 題雨後秋安圖                                                          | 四七 | 戲題泥筆格               | 五〇 |
| 詩人節和聞園詩老                                                        | 四七 | 題陳逸周兄萬卷閣            | 五〇 |
| 以詩催詩呈江彭侯先生                                                      | 四七 | 方登瑰先生挽詞             | 五一 |
| 王閔予兄余詩友也同筆硯於高商甚相得方值暑假竟別我而至其距省垣七十里之安寓伴夫人以消夏固一樂事惟余內子歸里未來不無羨而作詩以贈之 | 四八 | 歐戰勝利日               | 五一 |
| 題孤鴻下瞰圖                                                          | 四八 | 時雨                  | 五一 |
| 送青年從軍                                                           | 四八 | 烟兒                  | 五二 |
| 從軍樂                                                             | 四八 | 和孫聞園先生桐城縣臨時參議會開幕詩元均 | 五二 |
| 謝劉覺凡先生題詞                                                        | 四九 | 孝公赴渝詩以寄懷            | 五二 |
| 遠征歌                                                             | 四九 | 夜聞日本投降              | 五二 |
| 得失歌                                                             | 四九 | 借屋                  | 五二 |
| 和汪之一兄留別贈詩                                                       | 五〇 | 許靜仁先生題抗建新詠二絕步韻志謝    | 五三 |
|                                                                 |    | 和平歌                 | 五三 |
|                                                                 |    | 勝利歌                 | 五三 |

抗戰詩歌目錄

八

抗戰詩歌

# 抗建新詠

桐城許永璋

## 我我歌

我自何處來？來自茫茫情海波濤衝突之曲隈。我在何處住？住在茫茫情海波濤衝突之曲隈。逢人都相識，到老無嫌猜。人去我亦去，去去復回回。我之本體本爲一元之太極，化學方式縱能析物成爲電子億萬顆，亦難析我本體作支離。我固自稱爲我，人亦以我自稱之，可知我體全部，必合全人類而無疑。所謂大我與小我，此我之複體獨體命名得其宜。獨體軀殼中：乃我之一部與物之一部所結合，軀殼外同類之人人，亦各有我之一部與物之一部而組成。我非我而我，人有我之因，人人與我我，相對以得名，人無不，幼至老愛其我，我字實含有愛意在其中，我也我固我，我及我之同，人亦我其我，更我我之躬。混合分解無非我，獨體之我互愛勿交衡！軀殼乃物一部非我有，舉凡我我事業縱蹈白刃而從容。不使大我損毫末，健全小我大我自成功。永保我我之正義，宏揚大同世界之雄風！

抗建新詠

一



(南)

抗建新詠

二

盧溝抗敵

君不見七月七日盧溝橋，島夷恃勢逞橫驕。詐散卒，惡釁挑，洋海鯨鱣波滾滾，江山烽火馬蕭蕭。鐵鳥蔽天天爲黑，彈雨洒地地爲焦。中華男兒皆裂髮盡指，填膺義憤直上于青霄，持槍齊實彈，血旆曳長旄，失地一寸川原赭，骨肉風雨共飄飄，死者如歸生者繼，心堅鐵石氣翻潮，任他兇饑燒遍神州土，恢我民族正氣萬古自昭昭！

江甯失陷

巍巍江甯城！山擁江前橫，六朝天險地，何圖暴力傾？北五省既陷，滬上旗幟更，兇饑日迫蹙，金城關甲兵，中樞播巴蜀，大軍轉新營，一江白水赤，兩岸夜猿驚，江天飛白雪，痛馬怕齒鉅，大野哀鴻跡，寒林亂鴉聲，慘淡悽人目，誰復能忘情？盡人有妻子，亦有父與兄，流離同浩劫，瞻顧淚盈盈，相逢附耳語，何以計前程？既憂天地窄，更感死生輕，大廈妖狐入，沃土醜類耕。回首紫金山，宿昔擅雄名，山靈縱解恨，此恨向誰鳴，悠悠長江水，猶帶江甯城！

去無家

去無家，思故鄉。寇盜洶洶勢正狂，轉徙前途亦渺茫，白雲東西任風翔，子規聲聲愁斷腸，聞關險阻跡蒼黃，水有噬人之魍魎，陸有張爪之虎狼，天乎地乎何時了？幻耶翼耶徒自傷！去無家，永相望。

### 保衛長江

浩浩乎萬里江流，西來巴蜀到海漫悠悠！懿歎神禹功，疏鑿何多謀？四千餘年露澤惠，兩岸土沃人煙稠，風帆來往共飛鳥，漁翁渡頭狎白鷗，忽然吳淞口破碎，風雲慘淡鬼泣聲聯聯。上有盤空蔽日之鐵鳥，下有蟻陣滿載之鐵獅，土爲焦兮水爲赭，膏液塗原屍成丘，島夷何騷淫，奪我崑山復江陰，進踰武漢更窺蜀，夢想突兀直西侵，守土將士一時豪，怒氣上衝豎髮毛，風霜凍餒無晝夜，雨淋沒膝臥深濠。同袍共覓鐵石志，雪霜操，大江之濱濱水堅壁壘，使人對此心忉忉。生命存亡等毫末，但求國保不求活，有恨何須訴蒼穹，不經艱險豈英雄，知難也惟忍，若非熱血沸騰，胡爲乎泥中？壯烈勇武而精忠，義憤所激，浩氣凌空，身雖委溝壑，功業萬古崇，由來暴戾，禍亂是從，况攬人道，衆怒橫衝，蜀地天下險，誰敢嬰吾鋒？長江之波，終盪爾兇氛，腥羶一盡息邊烽。

### 抗建新詠



抗建新詠

四

立煌途中遇雪

子役自恩恩，窮冬驟烈風。寒雲凝遠近，客思繞西東。鸞翻翻純白，梅枝溜淺紅。江山千萬景，渾在雪堆中。

謝方槃君先生賜書長幘

公爲我揮毫，雲煙瀉繭紙，持此懸座隅，天地齊一指！

謁仲斐先生

一見便傾心，高山共流水。論世頻咨嗟，論文無餘子。

三十年元旦偶聚方君曉齋藤窩畫室獲秋山紅樹圖一幅賦此報之

高人鑿碑託藤窩，佳貺元辰喜若何？百尺蒼崖呈爽氣，數株紅樹漾秋波。迷離景色千山靜，指點烟霞一望多。風雨珍藏希世物，臥遊時欲寄清歌。

春雨

氣轉乾坤萬物華，空濛山色雨如麻。枯河瀾灩潮初漲，瘦柳伶仃興漸佳。生意頓從春意現，幽情甯與世情誇？鷄鳴晨晦衆昏日，滄海橫流合種瓜。

贈光鐵夫兄

棲隱山溪避亂人，相看強自豁胸襟。欽君雅抱殊塵俗，愛我深情結比隣，草草茅廬容

笑語，森森蒼柏話新陳，中原鐵馬鉦聲急，前路何須學問津？

### 暑期別諸生

憶昔臨歧日，征塗客緒多，花光紛錦幃，月色耀金波。暫聚雖云樂，韶華亦易磨。艱難宏遠計，吾道竟如何？  
騷歌聲正急，惜別語無多，烈日增兇饑，薰風漾碧波。狂吟紙亂疊，走筆墨將磨。珍攝千金體，團圓喜若何？

### 題新編國學常識

紙上烟雲逐眼過，千秋文史一車羅。雖經滄海遺珠玉，重露成由涓滴多。

### 送吳文貴陶毓文陳國斌之洛陽軍校

塞地秋風起大荒！中原迴首意蒼茫。恒桓三子偕征日，逐逐千軍破賊塲。氣壯山河心鐵石，身隨戎馬步冰霜。鄭鄒歡聚難爲別，功遂重逢話短長。

### 歲暮別諸生

朝朝相晤了無意，一至臨歧倍黯然。捧手橫經徒費日，狂歌送子自連年。胡天雪壓山河改，戢地風傳草木狚。銅馬何時歸漢室？等閑莫讓祖生先。

### 孤鳳

### 抗建新詠

抗建新詠

六

孤鳳高梧雜雀鴉，翹翹毛羽參朝霞。德衰誰識狂歌意，身否甯成久繫風？奮翮常期千里上，屬懷應在九天涯。此心牢落傷多病，憐爾自憐手日叉。

客中歲暮即示汪俊張亮吳如達黃中強諸學棣

朝夕從遊兩度秋，祇慙無力助豐收。抗懷先哲期千載，落筆文章動九州。好學自能趨直道，儲材定可冀橫流。歲寒松柏心同勁，伴我孤吟日日謳。

聞園詩老出示吳至父先生手鈔時文因題一絕

直紹昌黎百代宗！冀州文筆敵千鍾。蠅頭小技誠餘事，劍氣由來鬱作龍。

酬汪俊張亮黃樹三學棣盛燕

瓊筵又復自調羹，感子真誠飲一觥。興至都忘心上事，看來等是劫餘生。簷前細雨纏綿意，杯底愁顏抑鬱情。不是此間多俊傑，向誰傾吐不平鳴？

贈鐵夫兄

如君文采足珍奇，處境偏教不可思。自古多才造物忌，放懷且學半生癡。衡門密邇好棲遲，天不能言意可知。自是有心羈我輩，龍眠風物寄清詩。

鷗臬

鷗臬渾不識人情，老樹枝頭鎮日鳴。天際寒雲將釀雪，風聲已使客心驚。

夜靜風嚴雨打槩，放懷強亢讀書聲，鼻聲礫礫高枝上，似向吾曹訴不平。  
吾曹都是老書生，蠹簡孤燈半壁明，自作詩歌自遣興，管他人事有虧盈。  
此日心頭更不平，問君哀怨向誰傾？枯枝不是棲身處，雨打風吹澈五更。  
勸君明日計前程，應效鵬飛萬里征，雲卷雲舒身自在，那時無夢到山城。  
臨行一語贈君行，莫把書生當老僧，若是朝朝來故故，鱸魚文亦不難成。

暮雨

黃昏淫霧漫山阿，急雨旋風珠跳波。天際鴉歸雲帶影，灘頭鶴立更披蓑。  
紅爐綠蟻家家意，金管銀簫片片歌。歲晚游人歸未得，強吟新律和羊何。

東歸途中遇雨

故園東望思無涯，此去關山路轉賒。多謝天公憐客意，載塗風雨送歸家。

夜坐

敲牕風雨不眠聽，寂寞柴門急掩扃。黃甲舊游添百感，多情師友眼終青。  
攤書靜坐對孤燈，萬緒心頭直欲蒸。入世浮沉時覺澀，依人動定却無憑。

杏花

才聽春聲到耳邊，偶然花片落門前。早知蹤跡留難久，何事爭開二月先？

抗建新詠

八

送學生出征漢水

新亭悵望海氛揚，却怪當年秦始皇。餘鐵忍遺屍骨遍？殘書偏使蠹魚忙。漢陽自古英雄地，黃甲於今翰墨場。送子長征無限感，氣衝劍匣發光芒！

夏日雜感

楊柳山光滿郭青，寒懷相對話新亭。狼烟燭燭何時息？鐵馬鏗鏘何耳聽。黃鐘毀棄銜雷鳴，風雨無端家國情。定遠武鄉光史冊，木蘭千載凜如生？寸心時欲作干城，無那詩文伴五更。庾信高才空自許，凌雲筆意亦縱橫。世風待招鄉曲英，孫陽不作驥空鳴。閒來偶向邊溪過，咽石流泉也不平。杜鵑故故復朝朝，枕上愁聽魂暗銷。作客深山歸未得，鄉關風雨正飄搖。布穀聲聲催插禾，故園農事竟如何？秧苗料得分南畝，榆柳門前映碧波。流鶯綠柳樹間梭，巧舌向人作巧歌，我亦能歌能賞調，嬌音那得與中和？

閒步河干

波衝亂石浪騰白，垂柳婆娑倒水青。晝夜如斯流不息，千秋世事此中經。

久雨

連朝雨注百川平，樹杪流泉繞舍鳴。滿耳滔滔依案臥，一腔憤憤共潮生。遙思閨裏迷

離夢，（阿姿聞風雨聲貪睡異常）應憶山中悵惻情，但願風濤從此息，重臨江漢看澄清。

### 和何生劍秋

夙疾今朝發，新愁隨處生。時危知任重，飢瘦覺身輕。引鏡窺容蹙，挑燈照眼明。清歌頻慰我，聊以助詩情。

### 集句和閻園詩老磨字韻

此中精氣不輕磨，（陳 峴）碧玉樓高夢若何？（黃 節）藥性不諳緣病少；（林向仁）詩清都爲飲茶多。（徐 璣）苦心亦有孟中野，（元好問）聚米空思馬伏波。（陳 瑚）西蜀地形天下險，（杜 甫）幾時聽奏凱旋歌。（趙 翼）

### 端陽

患患又報節端陽，幾載深山幾斷腸，多謝孟嘗招飲意，能教作客不思鄉。回首當年棕水旁，龍舟競渡鼓聲狂。何時白鶴峯前立，重飲青雲閣上觴。

### 題葛冰如蜀游吟草

孰云蜀道若登天？曹大家行路幾千。巫峽秋聲填客耳；錦江春色入詩篇。頻年展轉風盈袖；一棹歸來月滿船。何幸龍眠看妙句，橫舒紙上帶雲烟。

### 抗建新詠

抗建新詠

一〇

晝長無事看南華，神倦癡坐入幻境。既覺不禁自笑，

舉頭却看破青天，鳳鳥翱翔擊九千，神御長風游宇宙，必收浩氣入詩篇。萬山疊疊羣蟻蟻，六合茫茫一釣船。信步無何鄉裏去，惠莊攜手弄雲烟。

過浮渡

日暮行經浮渡旁，山光晃漾映湖光，輕舸初乃穿蘆葦，白鳥雙雙送夕陽。

車歸感賦用磨字均寄聞園詩老

百里車歸暑氣磨，報公無善欲云何？崎嶇山嶺荆榛遍，浩蕩江流魍魎多。好辨徒憑三寸舌，豪懷恆激萬重波。柴門半掩消勞結，一樹蟬聲伴我歌。

暑夜

暑夜煩炎夢不成，院中起步強吟聲。長風萬里何時至？皎月盈牕幾度明。頓念三邊正酒血，欲拋寸管作干城。阿妻見我揶揄笑，汝輩書生總不平。

喜雨

鬱雲蒸雨動薰風，雨激風飄雲影中。暑氣消除山色碧，平曠水勢欲吞空。禾苗得雨田夫喜，爽氣盈懷藉一歡。神物沉埋今古意，試看騰躍起泥蟠。

征婦詞

婦有一分廿四春，寄五谷（村名）兮覓良人。自云夫壻出征戰，獨處空閨無與親，人生行樂須年少，甯使釵鈿坐生塵？五谷固多風雅士，孰料半月無問津？蹣跚徘徊不忍去，去時洒淚頻揮巾，人憐此婦多情韻，我欲萬磔惡婦身，君不見！疆場鎮日飛碧血，黃沙慘淡黯三辰，可憐正冀家書至，誰知狐兔變其真？將軍愛士如愛命，哀哉此事嫉人神，夫死猶有古井志，夫存忍棄舊趨新？浮雲高天一過眼，咄嗟淫婦不安貧。淫風移俗誠足畏，既干綱紀壞人倫，四顧河山渾一片，滿腔孤憤筆難陳。

#### 和六叔父和字均

一石文章分八斗，乾坤間氣得中和。平生不屑南柯夢，運筆如揚北溟波。若飲瓊漿常醉德，時邀懿範作先河，何欣此日增吟興，倚膝林泉勝事羅。

#### 不屑

不屑排紛魯仲子，千金沽譽釣奇功，男兒立志貴兼濟，何用飄然向海東？

#### 問天

蒼天甯有意欲厄吾之舅耶！胡奮發而無由？退之年廿五，聲華卓無儔，我今長一載，祇能便腹攤飯羈林邱。嗚呼！男兒生不成名毋甯死，安能睜眼坐待白侵頭？

#### 新秋



抗 建 新 詠

一一一

秋聲纔到耳，天氣警微涼。心靜經營少，山居意思長。月明雲去碧，荷送夜來香。舉望歡今夕，堪舒九曲腸。

八音歌呈六叔父

金聲玉振仰大成，石尤風起斷人行。絲來線去多纏繞，竹林意氣總縱橫！匏瓜久繫無人食，土梗夜門也悲鳴。革心自見眞面目，木鷄養到孰敢爭？

某君邀飲賦此以謝

急雨消炎暑，新涼處處生。感君求友意，發我舊吟情。口厭平原酒，談資武庫兵。深衷慚客久，不覺一朝傾。

詠懷擬山谷二十八宿歌

角巾曠達棲林邱，亢身焉用卓九州，氐羌庭裏來有周，房杜今不運奇謀。心君省事萬事休，尾尾成屏奮翅游。箕踞隱遯欽許由，斗極拱向笑孔丘，牛山濯濯總由牛，女奴燒酒可解憂。虛船來往等白鷗，危微精一付誰收。室白人清豈無儔！壁經底事苦搜求？奎蹄曲隈濡須留，婁維鞭策牛馬愁。胃府何必納珍羞？始精不望降吾頭。畢方銜火鯨吞舟，觜豎夜鳴悵鷗鷗。參夷宿教懼悔尤，井蛙反自輕驕驕。鬼躁既現復鬼幽，柳牛肘上濕風流。星槎去國無張侯，張皇那得贈吳鉤，翼翼壯士轉壑溝，軫念三邊更悠

悠。

### 盤中鷄

細君憐我作客久，侍膳盤殮霑雞鷄。我口雖云美，我眉轉覺低，天生物，本來齊，我獨四體不勤穀不舛，徒貪口腹林谷日幽棲，豺虎縱橫猶未已，萬國揚旆喧鼓鼙，可憐白骨填溝壑，耶孃不聞嬌兒啼。壯士奮身衛疆場，苦飢那得充藿藜。此時不能擲筆荷戈遙追去國班定遠，自應堅壁禦虜手封函谷關口一丸泥。吁嗟呼！鷄也紀德名標五，祖生聞之夜起舞，如何無辜遭屠夷，醜類偏能逃網罟？白雲揚，白水長，俛仰又教詩發狂，是非憂樂總難忘。

### 桂生竄不遠百里來問學殊可嘉臨行賦詩歸之

剝啄排門入，維時秋已高，一輪正皜皜，百里亦勞勞。求學如飢渴，深情似漆膠，何欣風雨際，尚有雪霜操！常覺無今古，更期起俊髦。敢言宗史漢，聊爲譎莊駭。欲挽地維絕，將撐天柱牢。試鉛欺買馬，論道鄙蕭曹。此去排羣議，自能鳴九臯。他人如見問，道我興尤豪。

### 答開園詩老

一臥滄江秋已老，滿懷冰炭日相煎！愧我眉頭纏鎖事，欽公筆下有千年。

### 抗建新詠

生日（并序）

九月六日，爲余廿六生辰，撫頑軀之長成，痛吾親之早逝，兼以人事謬悠，病魔纏擾，益覺哀不自勝，歌以遣之。

秋來霜信氣偏清，孤矢勞勞忝所生。風物經過甯改易？人寰到處任虧盈。追思頓隕王真淚，更痛難陳李密情。二十六年驚電抹，病中贏得一身輕。

題二臨中第五屆畢業紀念冊

臥病深山驚歲晚，楓林紅葉日紛紛。遙思關塞長征士，愁對江天薄暮雲。望外音書竟惠我，意中功業應期君。皇皇道統甯衰歇？不泯薪傳心所欣。

蕭索離牽思渺然，夢魂時繞咤峯前。欣聞學業成三載，應絕雲霓擊九天。感舊總教情悽惻，排愁何事意纏綿？勞生無術慚羸弱，欲備鞍韉又自憐。

得聞園詩老見懷大詠不禁有感綴句見意

名山覽勝跡如仙，飛翠浮嵐醉欲眠。託興應將詩度日，無愁何用酒爲年。自慚身世殊牢落，尙幸音書不棄捐。明日欲征大別去，心憂越嶺復踰川。

九日

此日驚秋老，籬邊菊正黃。高吟嘲五柳，知難費長房。二子雖云達，寸衷倍覺傷。乾

坤甸浩劫，何處歸災歟？

聞園詩老函約浮山講學，聯吟抱病，愧難應命。感賦二律見示，兼柬吳校長。

殫精教育老彌深，八皖莘莘仰德音。托足龍眠耽詠事，扶筇浮渡訪知音。衰微風雅誰肩負？曉醒癡頑亦苦心。慙愧孫吳破的手，攜來嵐翠滿衣襟。

高山流水伯牙琴，靈壑秋風播好音。頓欲追尋成遠舉，惟愁塵俗苦相侵。人情冷暖三千界，風範雲霓九萬心。正冀渡江同擊楫，苦無箸借負公深。

西征（并序）

余九月將西征於大別，感身世之坎坷，慨河山之破碎，方罷絃歌，又迫行役，際茲別離家室，能不黯然魂銷，然大難方殷，兇氛未艾，又焉能已於其行？爰用少陵北征元韻，作長歌一章，聊當惜別之紀念云：

戰伐越五載，事事難逢吉，此生實不辰，焉得安其室？前年迫虎狼，馳驅日復日。今歲擾病魔，炎夏臥衽華，倏忽驚秋風，兩月足不出。服膺叔氏學，深恐一朝失！身世良悠悠，風塵尚勿勿，東夷勢正狂，寸衷獨悲切。人事悵浮沈，惟恍復惟惚，哀哉反覆場，何時艱難畢。幽懷靡可申，寒風來瑟瑟，江介雜腥羶，三邊日喋血，繾綣聊詠歌，輿酣萬慮滅，意思風雲，且欲躡月窟。析疑依叔氏，疏鑿更初藹，有時勤吟興。

，清音勝帛裂，出語盡瑰琦，不屑李杜轍，竹林古風雅，對此堪愉悅，尤喜羣季秀，知禮讓梨栗，相見無雜言，情深如膠漆，立志抗千載，亦欲正名實。喜極頓汗顏，自慚類鳩拙，狂瀾雖澎湃，微言終不沒，叔爲前驅導，我亦希毫末，何當大雅扶，開彼混沌穴。頻年輾轉勞，風霜高馬骨，伏櫪志徒存，奮發難遽卒，不作席上珍，忍作池中物？抑鬱恆長吁？破帽亦衝髮。阿妻慰語溫，相對離情結。兒女恐我走，牽衣共哽咽，豈不欲稍留，恐逢霜與雪。最憐弱女嬌，天真露衣襖，啼笑均可歡，見耶常繞膝，大兒生性蠢，課讀受磨折，號泣如馬嘶，涕淚侵衣褐，自生已七齡，十字消一日，那無養種子？不覺頓陳列。二女尚啾啾，徒爾學生列，此理費尋思，累旬廢鹽櫛，天既生我躬，廿六如電抹，教子苦無方，勞生又契闊。學也竟何爲？偏嗜如羌渴。久逐迷途中，無人施棒喝，鴟鵂夜夜鳴，耳邊時聒聒，擊缶仰天呼，成事不可說。脫略混林泉，間邀老兵卒，披草話世情，塵襟任軒豁。自古好營私，尼父刺藏乾，況今道凌夷，甯怪彼奔突？我心日皇皇，妄冀前賢匹。九月將西征，疑慮立談決。時會不可違，腰脚欣勁疾，人生各有志，不可爲勢奪，精忠與邦圖，三島指日拔，天聲震寰宇，旌旗俱飄發，永奠和平基，銘勳建隆碣，萬國俯首來，梟傑不用殺，從此息干戈，田園看明月，太平羣力致，果然真奇絕。浩氣盪胸襟，壯哉惟此別！忍離叔氏前，有疑

莫爲折，又戀妻德醇，不類褒與姒，遍遍待重九，痛飲共莫哲，鬼女雖鈍頑，亦可慰生活，浩蕩乾坤間，忍竟閉門闔，誓掃妖氛還，四裔朝天闕，拓宇光玄靈，不使金甌缺，滔滔苟得所，縱窮亦爲達。

### 秋風

秋風動地起，故故洒衣裳。戰伐傳聲厲，塵沙等霧揚。浮雲開錦繡，深谷奏笙簧。宋玉悲歌日，詩人興正狂。

### 和內子疏淪觀月詩（內子原唱皎月盈盈透閣頭，闌干攜手感離愁，天知遠客歸非易，故作清輝伴夜游。）

空窗皓劫正臨頭，放眼銷愁愁更愁。幾處深閨今夜屋，如儂團聚共優游？

### 涼風感事

涼風入戶睡相宜，正是深閨深夜時。牆底蟲聲如妬夢，牕前月色似撩詩。乾坤風物騷人緒，闕塞兵戈壯士思。欲掃妖氛清四極，拂衣高臥亦淋漓。

### 病後口號寄奉聞園詩老

呻吟斷續似衰翁，根觸情懷莫我同。困臥兼旬疏詠事，深居八月警寒風。無心齊物雲天外，尙幸憐才藻鑑中。自悚凌兢斯世內，茫茫人海孰爲雄？

### 抗建新詠

杭建新詠

一八

西征途中二十絕

初離五谷

衣上征塵今尚存，又將遠別倍銷魂。一家骨肉才相聚，走送難堪五谷村。

過同心嶺

同心嶺上頓同心，觸目蒼茫客思深。楓葉蕭蕭慣謔浪，落霞片片下高林。

宿楊樹灣

一灣白水繞枯楊，無數寒鴉噪夕陽。暮色已教人悵惘，離鄉心事更茫茫。

旅舍喜國弟來訪

游人誰復與爲歡，野店風霜衣被寒。頓喜惠連跨步入，昏昏燈火暫團圓。

過孔城十八里長岡

偶過長岡十八里，蜿蜒曲屈似長蛇。愁腸今日應如此，遙望鄉關別路除。

遊桃花洞

桃花洞口白雲封，策杖山前訪古蹤。一片荒涼勞悵望，秦人何處得相逢。

過榆樹街

街前榆樹列行行，枯幹槎枒對夕陽。踽踽遊人何處去？烟霞黯淡倍神傷。

過玉婆岡

平岡枯樹莫雲多，阿嫂如何丟阿婆？借問土人猶歷歷，紅羊大劫此經過。

宿霸王街

霸王一去霸圖空，無數雲山浩蕩中。破屋頽簷真有幸，名傳千載泣英雄。

朝發鼓嶺

崎嶇峻嶺苦難攀，初日高林正傍山。曲徑上通如鳥道，險巇最是鬼門關。（嶺巔曰鬼門關）

登鼓嶺巔

崔嵬絕頂且登臨，一覽山川意思深。人似飛雅柯葉度，高低祇得任浮沉。

小憩湯池

池中積水暖如湯，濯足真教意味長。安得依池結茅屋，朝朝來此浣衣裳。

宿中梅河夜雨

急雨中宵傷客神，老僧喚醒強相親。愁來展轉難成寐，風吹牕櫺冷笑人。

新晴

昨宵何事誚遊人，今日新晴屈亦申。應是天公憐客意，故將急雨滌行塵。



抗建新詠

二〇

萬人墓

萬人墓上草離離，翁仲無言似亦悲。一片荒涼摧白骨，下車憑弔立移時。  
諸佛庵霍山師範

遙聞大地起絃歌，悅耳清音金石和。我亦此中經過客，幾年肉味愧東坡。

黑夜遶流波礮

明明星斗向誰親？獨照頑夫一葉身。世事多乖天意厚，今偏破格愛詩人。

夜作家書

孤燈深夜照愁腸，取紙濡毫書幾行。欲報妻孥多少事，霜風侵骨思茫茫。

乘車過長春嶺

誰將此嶺號長春？卷地寒風滿面塵。手足不知猶屬我，偏看樹倒亂無根。

省垣夜坐

人生何苦事奔波！滿目狼烟可奈何！頓念山河意氣壯，排愁拔劍起狂歌。

贈魏曙東世伯

晨星寥落傷耆舊，父執惟公老不衰。頭白猶爲彈鋏客，眼青分與故人兒。長鯨跋扈鱗  
翻浪，短袖迴旋笑脫頤。拔擢深慚期望意，低徊今昔動幽思。

史恕卿先生挽詞

風飄笑語入雲中，浩劫誰堪喪此翁？壯歲贊襄驅異族；衰年澤惠救哀鴻。丹心應照千秋史，黃土終埋一世雄。遺愛難忘門倒屣，撫琴惟有對蒼穹。

贈吳文耕先生

曾經叔氏仰高論，偉大由來只自尊。（君嘗謂凡入立足社會各有天賦之偉大不必卑已尊人而喪其天）怯儒聞風撐鐵骨，衰絲無意赴金門。浮生落落心情懶；厚誼殷殷笑語溫。一覩光儀消俗慮，從今悟澈道根源。

哭蕭敬達兄

開丹六閱月，聚處任天真，學術門庭異，交情氣味親。別離勞惻惻，消息喜頻頻。病困憂君病，身全獨我身，常期共立業，何意竟辭塵？月夜楓林下，傷心望故人。

丁劍銘世伯挽詞

先嚴擊友數公先，屬續猶將勝事傳；伊昔勤勤曾赫赫，從今世好應縣縣。相逢大別終成別；一去龍眠自在眠。鄉音音塵驚逝水；同醉往事更茫然。

三十二年元旦書懷

滌造纔纔華夏業，而今三十二回春。連年戰伐乾坤破，滿目塵沙風雨頻。頓喜山城逢

令節，更傳笙管慰勞人。相期共懷關雝訓，惟祝江山日日新。  
年來新政出中央，奇采輝煌耀八方！醜類聞風心憤憤，健兒磨戟意揚揚。時慚案牘勞  
形事，欲越戎機殺賊場。浩氣常憑三尺劍，夜衝匣口發光芒。  
電抹韶華意欲煎，揮鞭時慮祖生先。難逢王粲揚眉日，已過周瑜破賊年。六載書生心  
似鐵，三邊壯士氣摩天。何當一掃妖氛盡，力挽狂瀾障百川。  
元辰歌舞慶昇平，士女狂騰鼓噪聲。已卜兵塵將盡滌，應知人海有虧盈。千家筵席椒  
花頌；萬里疆場彈雨生。請輟屠蘇留異日，轅門會宴再相傾。

和孫祥真兄槐溪大詠（并序）

群真兄新建槐溪草堂，賦詩屬和，胸懷高雅，悟澈人生，結茆屋以守真，倚  
梧萱而吟詠，天倫至樂，孰愈於斯？惟自感身世坎軻，不覺起望塵之歎。

高人築室枕溪光，嵐翠朝朝應滿堂。料得軒牕無俗韻，更知草木有真香。椿萱互蔭千  
尋色，棠棣爭榮一苑芳。此樂惟飲君獨享，勞生愧跡水曹郎。

立煌

立煌障大別，豫鄂皖邊疆。游擊屯兵地，誰敢肆猖狂？元辰宴平樂，士女傾壺觴，梨  
園奏笙管，臺上豔新妝。前鋒忽告警，形色頓淒涼，又聞疏散令，躑躅更張皇。車駭

馬自逸，脂粉牽路旁，貴賤無差別，一步一呼娘，雖擁珠萬斛，不禁淚千行。我亦罹此劫，人盡負行裝，徒然拋禿筆，禦虜苦無方。憂思正凝集，報到寇來急，險巇松子關，四圍山嵒岌，直衝無忌憚，百里夜深入，砲聲轟如雷，池魚受殃及，大火光燭天，殘破誰收拾，見之摧心肝，聞者淚痕溼。六載大經綸，數帛如雲屯，詎知倉卒際，萬有化為塵，昔日歌且舞，今也吟與呻，昔日粉黛侶，今也捧心掣；饑凍消飢肉，風霜摧笑唇。此情殊堪憫，轉覺發微嘔，盛衰固應運，似幻若爲真，儉樸貧致富，驕奢富亦貧，高河鬼所矚，甯能怨大鈞？是以知機者，出處如遁神，我姑歸故里，團團叙天倫，前途多荆棘，去去復問津。

過鴉毛嶺（距立煌二十里）

夜深鴉毛嶺，生命鴉毛輕，一去二十里，劫火照人行。

過冤枉嶺（距曉天十五里）

行過冤枉嶺，誰是冤枉人？縱目橫九野，乾坤七尺身。

逢聞園詩老

歧路偶相見，爭問亂離情。情言實難盡，強笑慰餘生。

逢方意瑰先生

我方出東門，見公兩無語，搗手情難宣，領首心相與。

哭三女龍生（并序）

三女生龍眠，名龍生，今三歲矣，嬌嬌逾恆兒，不幸於壬午臘月十日染病，翌晨，竟溘然逝，臨絕，雙眸猶頻頻顧耶孃，似不忍去也，悲天！

龍眠生汝號龍生，顏色嬌嬌似舜英，挽母嚙飢情惻惻，見耶繞膝笑盈盈。歡娛忘却兒爲女，梨栗分過姊與兄。病倒一宵竟不起，可憐臨絕尙迴睛。

爾母懷中頓覺寒，盈眶熱淚不曾乾。聲音已杳嗟何及？襁褓猶存未忍看。白地三年朝露幻，青山一片夕陽殘。荒烟蔓草迷終古，饋食墳前有阿干。

舊曆除夕

一身初識我！千里歷風霜。此夕驚除夕，他鄉轉故鄉。漫牽妻與子，相對酒盈觴。翼醉甯非策？高歌學楚狂。

和聞國詩老癸未元旦春字均

高誼真如有脚春，詩來積悵一朝申。融融氣象連吳楚，逐逐功名判越秦。公獨愛才如愛命，我偏憂道不憂貧！龍潭水接槐溪水，敢冀東坡與德麟。

和許難先長律四章

正平北海雨忘年，物外烟霞醉欲眠，血肉難逃天演例，林泉猶寄地行仙。歌吟興激神相契，得失心知妙不傳。迂闊狂憑青白眼，朝朝書案百家編。

陽春艸木豔奇光，高調吟成孰敢當！神蕙雲霄千氣象，酒衝丰采發詩腸。滄桑幻影形難定，翰墨真香臭不妨。老去弄珠猶落著，優游杖履在膠庠。

未立年華也學顛，彈冠甯直一文錢？白雲低壓波濤險，青眼高歌夙昔緣。風蕩吟魂林谷裏，醉邀明月酒杯前，伴狂李白成何補？將養天機博浩然。

茫茫歲月幾回更？奇氣難消一劍橫！飄泊是誰更是我，零丁無弟復無兄。何欣藻鑑傳高義，頓躍龍門博盛名。雅欲隨公扶大雅，五聲和協八風平。

### 古意

昔也陳子昂，託興善爲言；青蠅一相點，白璧遂成冤。而我謂璧色，白固勝白雪，白雪終成泥，白璧汗可潔。青蠅徒自擾，一點笑其哲。

### 擬太白三五七言

好風鮮，好日妍。樹樹綠雲曳；聲聲杜宇傳。一見一聽腸一斷；三春三月境三遷。

### 追和先王父希白公遺詩元韻（并序）

先王父平生著述甚富，歌詠尤衆。惟迭遭變亂，遺帙蕩然，偶檢殘編，得和

高參軍登汴梁鼓樓四詩：「颯颯西風聽鼓搥，樓頭反掛赤城霞。多情雁過雲排軸，無事官清吏放衙。曉露葩含九月菊，斜陽秋樓萬人家。一聲長笛思黃鶴，猶記江城五月花。伯業原同江上舟，興亡何必問從頭。寄懷北魏兼南宋，怕說梁城改汴州。銅雀臺空遺址古，玉津園廢斷橋秋。楸枰一局成千載，荻草蘆花動客愁。男兒不作信天翁，豪宕都歸氣節中。名士逢人無白眼，英雄知己有蒼穹。侯嬴<sub>誰</sub>老夷門令，司馬偏留大漢宮。七步才誇魏公子，美他曹植少兒童。盤空雲鳥一肩齊，擾攘煙沙雨足低。霜雁北嘶三萬里，淮流東鎖短長堤。茂陵秋雨相如渴，皖國春風杜宇啼。誰鼓聲聲驚客散，夕陽回首畫樓西。」

諷誦之餘，知文章之不振，有數存於其間。追和以志其幸云。

連年慣聽鼓搥搥，豐獄沉埋氣作霞！袞袞天機翻海水，悠悠人事付蜂衙。琴書朝夕荒三徑，鷗鷺浮沉共一家。故籍閒披欣祖澤，從衡老筆映奇花。

風月浩然一葉舟，當年齊魯說從頭。不堪牢落三千界，仍欲匡扶百二州，豪興每將詩度日，大功未遂髮先秋。歸田晚景情猶昨，遣調吟翻萬斛愁！

老來直似紫髯翁，笑貌而今想像中。久振高風傳內舍，追懷遺愛頌蒼穹。（王父曾以曾王母意設春暉倉歲以穀帛賙給鄉之貧乏）苦心應寄千秋史，陋巷惟留一畝宮。回首

挽鬚問字日，空期繩武作終童。

屬身敢與時賢齊，昔也眉揚今覺低。一望春深紅杏葉，萬般愁繫綠楊隄。心驚物候年年意，鶯逐風光旦旦啼。絕調私慚難續和，蒼茫憑眺夕陽西。

以詩代書呈六叔父

應外隨薰風，解我心頭慍；况得叔氏書，兼誦高雅韻？氣象逼朝霞，英華郁芳醞，高風承古緒，叔世啓神運。天雅豈沉淪？念茲益振奮！

癡業憶吾祖，耕讀振家風。閒來耽賦詠，直似紫髯翁。學以授諸叔，吾叔乃文雄，淵源惠及我，許我爲奇童。何以答盛望，浩氣貫長虹！

矯首問蒼天，胡甯牛靈棄？兵戈亂浮雲，疫癘播大地，而我樗櫟材，當不爲所忌，惟憂里黨間，病狀頻傳至，四有落花飛，動我惜花意。

春風才過耳，忽又聽黃鸝，好音空宛轉，倏爾離高枝；所以高達士，不羨桃李姿，竹林寄靈性，清貞惟自持，歌吟娛歲月，千載長若斯。

再和祥真兄槐溪大詠

一見頓清俗眼光，槐溪園地亦堂堂！麥苗繞舍衣襟翠，花氣侵簾笑語香。誰識詩人甘獨苦，從來物理忌孤芳，趨庭日日聆高訓，可弭三郎學二郎？



抗建新詠

二八

猶欣潛德發幽光，兩代優游共一堂，終歲已甘元亮策，滿城都識令君香。心存萬世三辰朗，文漱千秋六藝芳。我亦常羞彈鋏客，會須放艇作漁郎。

夢

周蝶化深更，大塊任翔逸，忽逢一丈夫，手持五色筆，長揖以遺我，祝我從此吉，且言文通遠，今始爲君出，千載領風騷，傾頽濟靈術，雲凝風忽休，驀然關山黑，蝶也復爲周，神魂恍以惚，探懷自空空，轉覺心惻惻。郭璞何多事，令我起空憶！文通富才華，才盡良可惜，况才稟自天，逞乃人之力，筆竟有何功，徒然供人役，壯夫意氣豪，雕蟲豈所屑？

寄潘季野先生

方姚吳馬俱黃土，亦領風騷數十年。最喜荆榛迎雨化，能令鷗鷺逐風旋。龍眠山水新詩誦，皖國詞章老筆先。歌鳳狂生待自詡，心情難爲俗人宣。

端陽

江城笛吹落梅花，又報端陽思若麻，兵革漫傳來耳畔，艾蒲徒自插門斜，龍舟寂寞波濤險，鷗翼翱翔雲水除。羊疥積年奇痛癢，會當袒裼一搔爬。

黑云此日是佳期，湘纍沉淪湘水時，三楚應無容足處，千秋空爾費人思。叢祠尙可移

秦祚，隆準偏能啓漢基。事業卷舒齊掌握，彭咸往蹟豈堪師？

答內子疏淪焚香詩（并序）

焚香祈神淪之素性也。余嘗譏其迷信。伊作焚香詩解之曰：愚頑不是賴神功？大道應迷西與東。一瓣香憑心一片，空知爲色色爲空。余得詩，翻然大喜，以其言而達，頗有感於衷，成古風一章，用廣其意。

氤氲一瓣香，裊裊神之旁，神乃土木偶，空爾揚芬芳。縱然有靈爽，式憑殊微茫。紛紛六合內，短短復長長。愛憎理難一，希冀亦無常，天固有常態，終古赫元黃。豈伊畏寒暑，遽爲輟炎涼？神若應人禱，得無太匆忙？私行小恩惠，違天大不祥，卿心亦云達，藉此鎮譁張；物競天所擇，而我圖自強，萬事一樞軸，旋轉手中央，念茲燭吾首，浩氣包大荒！

老婦嘆

徙倚隔畝間，駕言寫我憂，路逢一老嫗，刺刺語不休；自云夫死後，長子應鐵抽，三年音信絕，倚閭空悠悠，差欣次子健，今又隔明幽，痛哭嗟命薄，抽刀欲斷頭，轉念媳新寡，有兒歲方週，去者雖永訣，存者且淹留，含淚強相伴，五畝共鋤耰，誰知重重厄，天地似張罟！盜忽刳兩媳，攜之竄荒陬，可憐乳下孫，朝夕爲挽攬，卽此混歲

抗建新詠

抗建新詠

三〇

月，身外更何求。無求甯不逸？飢寒迫人愁，頻年歷凶歉，衣食已難調，官費多且急，如火復如流，三日號拆屋，五日呼驅牛，屋廬拆已盡，田園成荒丘。老身竟何辜？丁此百愆尤。我聞心凄惻，慰語強和柔；大地半如此，媼何獨啾啾？否極占泰來，厥疾或可瘳，要家紓國難，自古昭良猷，好育膝下孫，安心度春秋。老媼聞我言，雙淚潑難收，踟躕各分散，惟聞聲啾啾，寫憂翻懊惱，此心孰與侔！

返照

雨霽黃昏後，炊烟趁晚風，歸雲迷遠綠，返照發殘紅，閃爍呈奇采，玲瓏奪化工。那知鳴漸黑，皓月又臨空。

長至日

詩魔今日似潮來，百首吟成罄一盃。兒女跳躑紛几榻，賓朋談笑動風雷！多情日影遲遲去；無事鶯聲故故陪。興至那知時節換，凝看皎月潔無埃。

四時樂

晴川芳草鳥烟青，渲染歌吟寄遠情。爛漫韶華爛漫去，花枝吹折亂鶯聲。紙上風光醉欲眠，雲峯晃漾五湖天。吟聲又伴蟬聲鬧，誰是人間第一仙。金風鐵馬動間關，獨有騷人一味閒。最愛楓林向晚葉，誰爲點染似花顏。

朔風飄散自霏霏，銀海光搖却捲幃。畫得圖來吟得句，不教鴻爪弄非非！

有所感戲呈十叔父

公誠顧陸丹青手，寫骨描神落筆成。鄉吏催錢連夜急，可能畫出打門聲？

荒江愛國兒（并序）

掃帚溝鎮，位長江北岸，介乎樅陽湯家溝兩鎮之間。自民國二十七年，安慶淪陷後，敵艇不時登陸騷擾，並欲推行政治，飭組偽保甲，先散戶口食鹽，引誘鄉愚，繼則俘虜紳耆。焚蕩廬舍，市民雖迭遭慘殺，終不移不屈，感民族性之猶存，惜其事之不顯也，乃綴句以歌之。

掃帚溝旁民族血！揚子江頭英雄魄！魄動石尤江浪迴，血凝成石化爲碧，憶昔二十八年春，江浮敵艇如浮鱗，登岸跨馬竄塵市，逢人欲殺怒且噴，鷄鴨牛豚任烹割，田園禾黍雜荆榛，一去一來呈閃電，鷹隼虎視何蚌蚌，旋復懷柔施暗箭，以華制華戰獲戰，號令組織僞保甲，羣奸簧鼓竭吹煽，連船滿載戶口鹽，鉤餌愚頑動貪戀。柔化甯化鐵石堅，俘虜焚蕩心不變，鬼錄朝朝添姓名，毒計春陽照飛霰。噫吁嚱！屹立荒江愛國兒，草莽埋沒竟誰知，碧血忠魂互萬古，終若雲天赫朝曦。

脫破袴（相傳布穀爲脫却破袴）

抗建新詠

抗建新詠

三二

怪絲布穀兒，勸人脫破袴，滄海揚洪波，脫袴那可渡，况復連年迫苦飢，債主劍盡窮人衣！

聞縱陽寇退喜書長句四韻

報到樅陽絕敵蹤，初聞戚戚轉悰悰。歸來白鶴傷今昔，揜映青雲任淡濃。（縱有白鶴峯青雲閣）更喜鄂西乘大勝，會連華北挫頑鋒。羣奸失勢依何處？試看吾曹劍氣衝！

聞園詩老寄鋤草大詠二章次均兼寫農村狀況

忍向凶年論瘠肥！黃皮露骨怕風吹。鋤簋受辱供徭役，空腹牛鳴敢說疲？小農日日典青苗，只爲飢腸烈火燒，惴惴心神如喪魄，夜深剪紙互相招。

問答

細君爲我言，囊中空已久，新詩落筆成，能換一錢否？况今異昔時，生靈遭陽九，鐵騎踏山河，焉能斗室守？姬昌久不作，空學渭川叟，腐儒信高潔，何若顏之厚，卽此釣功名，惡知其非有！聞言無所答，一笑掩吾口。

讀奧德賽

猶歎荷馬筆超倫！奧德賽歌泣鬼神。萬險橫生伊太卡，敢逃一字出詩人。

和內子疏淪勞字韻（并序）

余年來爲頑癬所苦，淪以詩激勸曰：「一年頑癬一年勞，日日顰眉日日搔，大地癩癬驚滿目，不聞獨善是英豪？」余得此詩，頑癬不啻債魔姑一搔，步均見意。

好詩長詠久忘筌，頑癬頻年債一搔，大計籌維先肉食，心安理得莫須豪！

七月七日頑敵大舉竄鄉，李承祖兄被俘縱陽，歸言羣奸助虐苦痛，因以志之。酒肉寇又至，大舉竄窮鄉，我軍英且勇，蓄銳辟鋒鋌。吾友李承祖，坐受池魚殃，鞭箠關木索，繫頸至縱陽。羣奸恣譁浪，寸寸斷肝腸。歸來爲我語，血淚尙濡裳。

題長隄獨坐圖

萬柳拂長堤，綠陰深綠水，冥坐物我忘，豈徒蠹心耳？

贈別李承祖兄

未別還悲別，臨分遽忍分！離情結落日，行跡任浮雲。作客應憐客，送君翻怨君。與爲僞識我，攪得思紛紛。

酬紹呂姻長

走謁先生趁午晴，薰風拂拂亂蟬鳴，千載高情爲下榻，一樽清酒託平生。

南陽風雅集題詞二十韻

抗建新詠

抗建新詠

三四

茫茫六合內，怪雨襲驚霆，得失一朝過，文章千歲馨。蘭陵垂懿範，浮渡鬱精靈，代有才人出，歌呼山鳥聽，纖雲任密卷，清詠最瓏玲，風雅南陽集，波濤北溟經，事功閭墜緒，刀刃發新硎，鮮若花浮葉，明如天繫星，國風欣炳煥，家學溯淵渟，高調心誠美，低吟手不停。胸懷曠海嶽，錫館愧門庭，雲翼難諧俗，山鵲豈肯甯？非非紛是是，色色幻形形。隱<sub>隱</sub>迷滄海，鉅鑪擢寸莖，顛危思己任，沉醉爲誰醒？無術籌前箸，長吁立晚汀，杯邀孤月伴，身引萬峯屏，林谷聊全性，柴門豔掩扃，碧梧棲老鳳，綠竹養修翎，謙陰隨夷惠，濁清分渭涇，兩家同此趣，亦足慰飄零。

瀏覽南湖東游艸用孫寒崖韻

南湖四度東遊草，牛斗靈光劍氣橫。竊怪才如孔北海，怎難業紹李西平？  
瀛洲多少風流子，都任先生別貶褒，數典殷殷懷祖國，心云苦矣興猶豪。  
今古騷人多逸趣，閒搜風月不論錢，試看伉儷縱橫筆，吟得詩來氣插天。

效阮步兵一日復一日用昌黎韻

一日復一日，一朝復一朝。去來今彈指，劣敗優者超，蛙咬雖雜沓，號鐘自高調，大道昭星日，豈屑割烹要，藐姑一萬物，不溺亦不焦，爭奪須臾耳，朱幘幻鑪鑪，何如乘風去，振奮搏扶搖，應笑斥鴳侶，搶地誇飛跳。我姑攝我性，操我祖之瓢，渴飲天

池水，興來歌且謠。一日復一日，一朝復一朝。

### 南山有怪虎行

南山有怪虎，一雄而多雌，負嵎營深窟，欲冀百年基。供食一何備，鹿豕兔熊羆。雄者一何猛？狂吼動蛟螭。羣雌一何媚，藏婉且怡怡。歲恆四稔息，子姓蕃以滋，山中食不足，於焉散四陲，張厥牙與爪，浩蕩任所之！經過恣奔突，生物靡子遺。此事驚人魄。傳自游俠兒。

### 辟亂石溪染病六叔書問病狀兼言里中多艱賦一律呈之

乾坤紛草莽，愛我獨詩人。叔也今詞伯，猶與古德純！微躬勞眷眷，孤憤吐頻頻。幾點英雄淚，艱難疊更親。

### 念曾學作詩喜書四韻示之

兒生今始亂，期月異勤嬉。（去歲一日僅消十字今已白誦百字矣）頑石頭偏點，山名志可期。也吟知絕句，竊擬老夫詩。吾道欣能託，騰鸞會有時。

### 天道用于院長韻

天道却從天網漏，道衰盜道盜何多，武夫徒試青萍劍，文士空吟白雪歌。出處浮沉甯有恨，古今興廢亦無佗。崎嶇世路經過慣，一葉扁舟九曲河。



抗建新詠

三六

林故主席挽詞

乾坤慘澹門龍蛇，崩裂巖峒落紫霞，絕代威儀昭異域；滿天涕淚灑中華。滄桑色色影形耳，印綬累累若若耶；四顧蒼茫誰可語，欲將熱血壓塵沙。

哭四女夏珍（三十二年七月二十八日）

縱觀天地間，萬事須臾耳，若非曠士懷，焉知變滅理。四女兒夏珍，百日一彈指，玄鳥來兒生，玄鳥去兒死，青青隴上禾，而與相終始。聲音及笑貌，飛烟逐逝水。回首去年冬，雪壓爾三姊，七月隔嶺陽，送爾黃泉裏，南北兩孤墳，荒烟迷荆杞。母已號失聲，眼乳淋不止，二姊隨長兄，牽衣互依倚。我心倘非蓬，洞澈莊生言，天也爲老彭，誰也等殤子，渾沌歸渾沌，今古同一揆。念此解餘傷，強作一笑喜。

秋日有懷馬茂元兄

西風來有信，萬籟奏笙歌，碧梧翠竹館，（君祖抱潤先生名書室爲碧梧翠竹山館）幾日意如何？

贈王鶴吾先生

舒城伏虎寺，南陽臥龍岡。古今兩殊絕，人海浩茫茫。

吳梅森兄新長霍山師範，聘授高師文史，意極懇摯。余以年來飽經憂患，情懷惡

而學業荒，牧芻任重，恐誤牛羊，詩以謝之。

雲歸新得人，宏圖預爲賀。何以認識我，邀我舊奇貨。

年來未作買，奇貨何由居，君雖愛君校，吾亦愛吾廬。

寄光錫夫馬后文兩兄

一年慳一面，兩地勞相思。雲碧西風緊，詩囊應添詩。

懷王甸平兄

大江隔南北，君能憶我無？欲憑南去雁，爲問北來魚。

中秋閨中望月

饒皎中秋月，娟娟向離親？照閨中尙可，勿照沙塢人。

美人歌

有美人兮顏如玉，託芳躅兮在空谷，朝餐風翠兮暮蘊野蕨。娟娟顧盼揚清波，不見閨中人奈何？

贈李則綱先生

懿範司馬遷！史筆千秋傳，江河流袞袞，日月互中天。李君曠世情，塵縉欲恢宏，泊然營所好，卓爾殫其精。君實鳳凰雛，千載阿與唯，我窺風雅遺，敵常珍且喜。學術

抗建新詠

三七

異門庭，微論掌常抵，見我氣如虹，許我詩爲史。獎勵豈敢當，矯首望八荒，金風嘶鐵馬，碧血潑沙場，偶歎亂離什，一字淚千行，章甫適於越，大樹笑荒唐，知者雖眷眷，蘭薰託同芳。感此懷先哲，俛仰意蒼茫。

祝大同學會

洋洋乎大同學會成立於中央，大成至聖先師孔子之道黯然而復彰。八德既立，四維既張，國風丕振，民氣斯揚。導師明哉！黎庶康哉！猗與總理，卓爾總裁，後先輝映，繼往開來。全球指日成一家，插遍中華革命花，竹頭木屑終有用，况復便便書五車？我姑拂拭莓苔封鎖之筆硯，浮塵惡蠹蒙翳之籤牙，口自讀，手自叉，不信江山俊傑有今古，從茲羅扶磨刮將發千載之奇葩！

客路遇雨寄內

萬水千山一葉身，飄風送雨似相親，誰能遣我皇皇走？天亦欺人故故瞋，若是關心驕旅客，應憐無火溼衣人。詩成且向閨中寄，遙想蛾眉鏡裏顰。

朝涉柳林河

朝涉河水冷，澈骨淒心神，一步一回首，恐有斬豎人。

東亞雄風曲

東亞雄風！東亞雄風！浩乎亞細亞，華夏鎮其中，宏基千世固，天聲萬國崇。邇來頑敵恣暴戾，迷離田海任飄蓬。神獅酣夢今方覺，衝然狂吼震太空，翻動山嶽，摧毀樓櫓，恢天地之正氣，盪蠱賊之夷戎，東亞雄風！東亞雄風。

元首頌

元首怡怡，舉國熙熙。壽邁彭今德邁姬，永庇黎黎，萬世之業，萬世之基。

保衛長江曲

長長，長長，萬里長江萬里長。島夷狂復狂，毒窮水底達穹蒼！緊我猛士，赫如鷹揚，死守東南門戶，誓與敵俱亡。恢復長江萬里，長、長、長。

題櫻花野鴿圖

是何妖豔眩殘紅，異種傳來說自東。野鴿翹翹應解恨，癡癡石上待西風。

秋月三首

月入高樓風入櫺，清霜肅肅氣泠泠。心摧橫野三更雁，啼落中天七點星。驚寒雁陣憶征夫，邊塞衾裯暖也無？雪地冰天凝碧血，斷人腸更裂人膚。關山烽火感流年，一柱擎天矗眼前，收拾羣黎歸版籍，金甌應與月同圓。

霍師高三學生因事與人爭，旋以余言讓步，喜書長句四韻示之：

抗建新詠

(四)

無爭自可免人侵。美德培成慰我深。頃步讓開千丈地，萬金難買百年心。頓教意懶江湖客，又拂塵蒙珠柱琴。南嶽山前彈一曲，相期志業話來今。

和張生咸合

天生有聚要有別，明月高空圓自缺。此心可與共清暉，照我征人萬里歸。

凌生步月贈余一聯，爲指點迷津憑手語；步趨清月浴天君。情深意摯，乃加二句成七絕一章，卽以示之：

指點迷津憑手語；步趨清月浴天君。環中握得無窮變，眼底能消莫解紛。

評時生溥所作詩

胸開天地氣不牛，萬象紛紛眼底收。三寸筆隨三寸舌，管教風過白雲留。

贈汪開模先生

博雅如君少，江湖播大名。年來遭窘境，天豈薄浮生？哀樂樽前集，詩文眼底橫。征塗問消息，應識別離情。

胡適之先生和任叔永詩曰：詩國革命何自始。要須作詩如作文，琢鏤粉飾喪元氣，貌似未必詩之純，小人行文頗大胆，諸公一一皆人英。願共僂力莫相笑，我輩不作廢儒生。余讀之，不禁勸所欲言，步讀其：

革命意在驅腐化，豈必矯俗爲詩文？李耳五千非常論，流爲齋醮不爲純。胡君之論誠卓爾，願持中道導羣英。我亦詞場小詩客，一爐今古託吾生。

許生文炳遺我翁覃溪石洲詩話兩冊，並題有我愛我師愛真理之句，感而有詩，聊以報之：

石洲好詩話，遺我乃自許氏子，書面有佳言，我愛我師愛真理。持之捧讀三四回，不覺芬芳生口齒。浮生落拓江湖間，今日高山共流水，師道不講昌黎嗟，對子頓令開顏喜。

#### 和潘季野先生告存詩四首

嵯嶺萬象勝惟真，殉宿晶晶慶此辰。不是先生大壽考，龍眠風月爲誰存？  
烽火甯能入硯田？由來間氣插青天。榮陽一老欣猶健，占得詞壇歷有年。  
浮生徒爾博浮名，觸目蒼茫百感生。短袖迴旋亦自笑，慚分鄉舊眼中青。  
龍泉氣接斗牛邊，鳳足終期踏九天。會撥雲霓輝色相，熙熙共話太平年。

#### 和聞園詩老祝耆老大會詩元均（并序）

三十三年秋季，余講學霍山高師，學生興趣極濃，乃虛譽日張，慍於羣小，人每以謗言見告，輒以退之。蚺蟬撼大樹可笑不自量之詩句應之，適聞老以詩

## 抗建新詠

四二

見寄，而余之憤懣得因步韻詩而發焉。

此一庠殊彼一庠，龍眠南嶽兩相望。蚍蜉率據扶疏樹，俗耳欣聞揖讓堂，况復箋傳白雪唱，真教眼激素波揚。詩翁老健詩尤健，狂憤狂生狂更狂。

隻此狂牛喜欲狂，欽遲碩德被遐方，中和聲裏分鐘缶，揖讓堂前絕虎狼，獨步乾坤凌浩蕩，吟吟風月道微茫，猗歟盛會千秋盛，高蹈名山日月長。

### 題霍山師範高師第三屆畢業同學錄

北風起兮百草焚，北風緊兮萬緒紛。欣欣一堂聚，倏爾驚離羣，蕭疏樹上葉，飄忽空中雲，雲迹漫天不忍望，葉聲墜地不忍聞，豈其惜別有如此？只因平日曾殷勤。深慚橫經手，難造成風斤，濡竿徒費日，念此腹如醺。紀念大冊誠卓爾！欲使精神永不分，各標名字傳書地，更索拙手爲詩文。我國文思久艱澀，且憑秃筆寫云云：噫吁嘻！千年遇會在一時，試看五千有三英雄兒。豈少謝道韞？不屑詠絮詩；亦有魯陽公，麾戈志澆圃。桓桓衝霄志，凜凜絕世姿。拭目瞻臨絕塵路，浩蕩乾坤任所之。宏其學兮窮其的，立爾來兮鞏爾基，行行莫回首，各各南溟期，征途應珍重，寒風襲爾衣。言可盡兮情難盡，磨已漚兮肝已披。臨歧猶有一語贈，願達毋忘一字師！

### 題老翁拾靈芝圖

風光滿紙亦淋漓，浩蕩雲山景更奇，翁也提筐何脫略？閒閒松下拾靈芝。

題施生耀球斥鴳跳芙蓉圖

芙蓉鮮的的，斥鴳亦癡癡。爾有愛花意，花甯爾意知？

鄒徵喬兄索文炳枇杷圖，并屬余題詩，作短歌一章

文炳枇杷圖，終歲垂垂負，黃赭相輝映，童稚誇果熟，而戎乃比隣，曉涎日欲滴。鄒子高達懷，一見便愉悅，園主何吝澀？不肯持筐折，祇以丹青筆，標本圖爲列，旖旎復扶疏，望望豈殊活。珍物今得人，欣然歌一曲。

吳良達兄索得文炳枇杷圖因題句以贈

初見官清放晚衙，閒閒來此索枇杷。素輕萬斛珍珠擁，偏羨金丸滿紙斜。

畢業歌

澎湃兮思潮，日蒸蒸兮俊髦，學業兮昭昭，彼上帝兮所驕，將離校兮氣豪，情之深兮漆膠。相惜別，相送別，聽鶴鳴兮九皋，破浪，長颺！浩氣蕩雲霄。

贈秋野六韻

秋野圖秋野，朝朝楓樹間。相逢惟恨晚，高寄此心閒。晝卽催吟詠，言都瀝肺腑，有時犯子怒，提筆點吾顏。戲舉雖堪哂，天真未易刪。從今各自重，志業在名山。



抗建新詠

四四

總裁會羅斯福邱吉爾於開羅，討論亞洲事件，國體增光，空前未有，詩以頌之。  
凜然正三激三光，一世驚看萬丈芒！策劃西歐隨指顧，蹴翻東海鎮汪洋。成功反掌跨寰宇，異域歸心樂愷康。瞻望人天資領袖，且持禿筆播芬芳。

頌竹林翠鳥圖

修竹叢中雙鳥鳴，靈心幽性兩無如。此間不見牛羊迹，合是高人雅士居。

贈慕飛先生

却從人語數奇雄，誰翼龍城飛將風。射虎猶堪破虜膽，敲枰妙亦奪天工。雙眸顧盼傳青電，大樹扶疏映瑛穹。相見歲寒心似結，齒芬橫透小詞中。

三十三年元旦

繡繡細雨迎新年，滌盡江山氣味羶。勝利光輝連海曙，和平風物得春先。喧喧鼙鼓萬人慶，擾擾煩勞一旦寬。痛飲屠蘇增壯志，會當勒石到燕然。

客中農曆元旦

獻歲潛居大別山，聊隨妻子學癡頑。茅廬撲地無人過，偷得浮生半日閒。  
偷得浮生半日閒，甯能長此作癡頑？茅廬待到三回顧，始信詩人力拔山。

題畫二絕

境幽然養亂時真，紅樹青山只自陳。誰爲乾坤餘片土，斷橋破屋野無人。  
問君何事日兀兀，傲然不答稿如木。懸崖飛瀑自今古，應是仙鄉非塵俗。

三月二十九日悼黃花岡七十二烈士

七十二公中國魂，凌空浩氣至今存。黃花岡護一抔土，白馬篇昭萬古城。烽火彌天報  
壯烈，男兒飛血郁氤氳。漫嗟往事空憑弔，奮志仍思繼若人。

陳孝侯先生著惟手論成，詩以頌之。

妙作鑪錘今古粹，神功隄障往來川。惟心惟物成何補？一手撐開眼底天。

論詩

質則恐近迂，理亦恐傷俗。誰能終今古，造化含清濁。

發狂

抗懷九霄上，倒景絕雲霓。堪笑拘繩墨，終生老芥藿，縱翻山入海，不教醒成迷。曹  
杜千秋軀，茫茫孰可躋？

和朱鹿門先生耆老會詩元均

萬篇低詠仰丰神，如見魁梧百鍊身。七十老翁逢盛會，三千仙侶亦前因。黃花點點盃  
中色，白髮蒼蒼物外人。烽火難焦姑射土，深秋氣象奪陽春。

抗建新詠

四六

年來拙跡走塵常，滿鬢塵沙處處揚。徒爾飄蓬寄異縣，恨難執戟效邊疆。詩書誤我年將立，跌宕如公笑吐香。東望龍眠鄉思切，此心更比路人忙。

題柳陰一女掉孤舟圖

春江平蕩綠如油，江柳垂絲似織愁。掉得扁舟何處繫？三篙錦浪自悠悠。

客寓書懷呈陳季侯先生

蟻穴潰封腰，云誰逐物齊？門疏新結客，馬踏舊來蹄。雲跡遍心意，風聲響步溪，藏身天地窄，俯仰斗山低。

理髮

鬢髮蓬蓬適更生，歲華冉冉去無聲。鏡中顏狀驚時改，頰上于思觸刃鳴。竹馬閒看兒女趣，木鷄初養古今情，人生老大尋常事，天演難淘一代英。

念兒病

愛之切至反爲憎，憎一離懷愛又生。兒大嚴期能繼志，病纏却不望成名。神祇默禱憂心結，藥餌親調活火烹。再四撫循深舐犢，而今夏楚願從輕。

題蒼松紅葉圖

蒼松凝翠古，紅葉點波秋。深谷金風響，騷人意欲流。

題南後秋郊圖

山光雨後淨無塵，坐地談心萬慮新。入眼幾行楓樹葉，紅顏醉倒亦天真。

詩人節和開園詩老

淪落詩人久矣夫！萍沉水底石浮湖。千秋浩蕩湘江鬼，絞腹離騷用有無？  
微茫雅樂成強，不帶羸秦烈焰燒。從此流傳孤僻病，橫舒哀怨弄清高。  
渴飲顏兮疲息箕，一瓢辟棄足揚眉。可憐抱恨沉江底，魚蟹泥沙總不知。  
彭成值得管人師，偶相何尤觸作祗，一死鴻毛蓋泰岱，大招空費楚人辭。  
韶華等去去堂堂，誰占人間百世芳，試看囊屍爭馬革，沙塲今復凍寒光。  
恢恢天地似張羅，萬疊層巒九曲河，強目牛存謁自汰，幾人痛哭幾人歌？  
晴川芳草自歲寒，待到枯黃亦有因，放眼千般歸造化，嚴冬深蘊幾分春。  
堅白異同實與名，招來榮辱與中生，樞機一轉分成敗，善用胸蟠百萬兵。  
甯甘無病日呻吟，大事臨頭運策深，堅忍五分鐘到底，不難償我最初心。  
欲將機言暢由詩，滾滾湘流繫我思，抵死一籌終莫展，天歟抑亦自爲之？  
以詩詩呈江彤侯先生

欲讀清詞繫夢思，飲公博雅愛吾癡。且憑側調催吟興，決背冰輪脫海遲。

抗建新詠

王閔予兄，余特友也。同輩視於高商，甚相得，方值暑假，竟別我而至其距省垣七十里之客寓，伴夫人以消息，固一樂事，惟余內子歸里未來，不禁羨而作詩以贈之：

特濤直欲海天翻！七十里程一步奔。山靜炎天容易過，枕聯好夢應重溫，花光人面深深夜，月色簾鉤疊疊痕。我正有懷湧胸臆，君能無意到峴崙？

題孤鴻下瞰圖

孤鴻翔大野，下瞰且徘徊，羞作稻梁侶，振翮九天開。

送青年從軍

奮臂從戎氣欲蒸，渾天駭浪共翻騰，夢中羞見花生筆，眼底愁看谷作陵，旅雁一聲黃絮落，秋風萬里白雲乘，送君無限升沉感，決肯長空落大鵬。

從軍樂

樂莫樂兮樂從軍！苦莫苦兮苦摘文！寒窗壁額讀三墳，何如戰亂麟閣著奇勳？五車捧腹折腰筋，何如洒血沙場碧結雲？吮毫搦管思紛紛，何如持槍實彈氣氤氳！繁我十萬青年十萬軍，先知先覺空人羣，目擊人類浩劫頻，誓死正義申，劈開筆硯別親親，氣直奪軍陣，英姿煥發懾天神，連轡翩翩絕沙塵，不知有我知有人，心懸家國渾忘身。

勇者踴躍滿服仁，眼底江山一片春。從此跨步涉迷津，揚鞭走馬浩無垠，共擁天柱共轉自由輪，滿載世界被迫弱小民，張開地維斬棘復披荆，經綸萬緒恢拓朗三辰。十萬青年十萬軍，豪邁絕羣倫，正鵠賦天鈞，勳業彩雲屯，拋却苦吟新日新！尋得樂兮真且真！

謝劉覺凡先生題詞

詞清興淡逸，入口悅肥鮮，空靈何縹緲？秋水咽長天。

遠征歌

號令 聲天地曉，馬羣振鬣演綏道，百萬青年肩相摩，騰躍同呼逆賊討！豈復計功名，捐軀曾國保。精誠泣鬼神，光燄奪三島。盟邦健兒心印心，同摧敵陣山傾倒。盤空神軍天陣開，鋪蓋霞光屯雲堡，呼吸浩氣海嶽吞，醜虜逐逐秋毫小，彈橫飛，寇奔擾，陸空並力豪又豪，妖氛未靖意未了，待張人道正義申，和平障礙一齊掃。借問此輩竟何人？天之驕子國之寶。

得失歌

人皆喜有得，不慮先於蒙。盈虛旋造化，相因有無中，可笑荆人事，得失重一弓，去劑存高論，去人論尤崇。我欲齊得失，人我物攸同，嗟彼鎗鏃較，萬事總脩同。

抗建新詠

抗建新詠

五〇

和汪之一兄留別贈詩

託興風雲會，荒城劫火餘。豈伊一技擅，竟與萬人殊？此道惟心印；他鄉渾跡居。崇朝君待發，別緒難書。

和聞國詩老乙酉元旦元均

盟軍共勵反攻年，矯首遐觀天外天；梅柳枝搖春意動；海洋浪激血花鮮。雄雌竹帛輕黃老，磨涅磷緇緇白堅。駘蕩和風送消息，一樽新釀餉庖殮。

戲鴻堂法帖題詞

獸蹄交鳥跡，天韻郁奇文。左史開前史，右軍起後軍。藝林輝日月，筆陣遏風雲。聲價千秋頌，豈徒我亦云。

雪泥橫眼底，物理互推移。堂圯洞庭北，碑存天柱西。雲龍神宛在；天馬意何之？四顧餘空闊，振衣一嘯迷。

戲題泥筆格

泥丸因我貴，筆陣爲君停。今古浮沉意，蒼茫滄八溟！

題陳逸周兄萬卷閣

昔日君家樓藏萬卷書，今也樓傾閣起搜集萬卷之殘餘。俯仰今昔意，搔首一踟躇；震

海風濤動地起，繁華滿眼成邱墟。當年悔與蠹爲侶，空拋心力誤迂儒。將擲三寸管，挺起七尺軀，倒翻東海之海底，洗盡人類之饑汗。君固書生亦健者，書中意味竟何如？

方意瓊先生挽詞

昔日論文好惡同，那堪笑語逐飛蓬，風鱗跋扈千秋續，猿鶴雲迷一望窮。

悼美大總統羅斯福氏

四月十二日，華府失導師。偉哉羅斯福，邈矣將何之？憲章威卓立，大西洋之西。太平洋浪起，東激蕩妖夷。元勳垂成日，天地詎淒其！公敵應猖獗，盟友何瞻依？消息播寰宇，悲風落大旗！英雄淚橫墜，青雲直欲梯。墨爾姑兒斯，蒼茫一望低！

歐戰勝利日

一九四五年，五月方七日，浩浩大西洋，俄頃風濤息。德意志遞投降書，八日公向三強白。盟軍從容罷戰征，揚旗東指最後敵。英美蘇京歡沸騰，勝利聲中互相祝。莊嚴燦爛達中華，青天白日增顏色。

時雨

油然雲散寒空寒，一雨時乎漲百川。旱母昔曾丹着地，枯禾今已綠平田。開襟當戶風



抗建新詠

五二

來爽，漏屋移牀心自便。歷劫斯民憔悴甚，頻頻膏澤豈非天？

炯兒

頻年行役苦，賺得小兒嬌。十月呱呱語；雙瞳袞袞濤。懷中故展轉；案上任爬搔。涕沫和池墨，天真欲自描。

嶙嶙頭角似，眉眼發英姿。能自爺娘識，先人意態知；捧書啼便歇，此事說來奇。退公閒作戲，笑得一團癡。

和孫開園先生桐城縣臨時參議會開幕詩元均

龍門魚躍闔還開，鳳翮雲飛去復來。冀野公堪雄一視，梁園誰是出羣才？惟期決議議能決，不用摧倭倭自摧！欲忍狂言騰熱血，深慚身忝祕書臺。

孝公赴渝詩以寄懷

桃穠桐葉響，萬里夢猶勞。鳥過疑歸客，心知目欲逃。

夜聞日本投降

八載流離慣，塵襟一夕開。光陰愁裏過，勝利夢中來。東海降濤捲，西風血債催。撫今思宿昔，長嘯九天回！

借屋

夜闌風雨響林壑，靜喧相激情懷惡。有人叩門呼：借屋又麻雀。我聞齒切更心驚，臥床故作鼾睡聲。阿妻答言茅廬滲漏難容膝，彼其之子掉頭而去口中烏鳥鳴。吁嗟呼！嗜好難強同，獨善勵微弱，任他笑迂拙，權衡執厥中。夫豈有意高行而傲世？萬方多難四海正困窮。

許靜仁先生題抗建新詠二絕步韻志謝

西望峨嵋挹瑞烟，長空萬里喜鴻傳。江山領得風騷未？餘韻欣看三百篇。  
一點靈犀天地心，微公誰復欲追尋？壯懷憂樂存飢溺，不向詩人肯詠吟？

和平歌

物類奚以鳴？理與慾交爭。爭端肇戾氣，於焉羣以傾。扶傾息爭伊誰宰？無息而息溯至賊。喜怒哀樂發中節，氣質之中和以生，和既呈於外，戾氣蕩然平。世界憲章欲奠和平礎，豈非戾氣激發之呼聲？饑易爲食渴易臥，重輕終必律權衡，從茲直補瘡痕跡，肅清胸腔之甲兵。天高高而雲爛爛，風淡淡而水盈盈，日月明明以遞耀，草木欣欣以向榮，老老幼幼壯以用，學者力學耕者耕，獸羣於山魚嬉水，稻花香送烏鳴嚶，萬殊同一體，動靜渾忘情。理得理兮慾解慾，和且平兮誠自成！

勝利歌

抗建新詠

抗建新詠

五四

克敵以制勝，利牽率乃定。德力判安危，今古一鐵證。試看納粹曾幾時，強橫早伏敗亡機，原子彈聲一霹靂，海田血肉陡迷離。盟軍雷忍盡使敵齋粉，忍其所忍不忍其不忍。愛人殺人同一心，殺彼不平方平允。暴徒促此亡，人道從此張，我既化敵敵化我，恢復正義勝取兩都忘。可能永無戰？攜手蹈周行。羣之利爲利，大德耀容光。勝利樂，樂無量！

中華民國三十三年十二月初版  
中華民國三十四年五月再版  
中華民國三十四年九月三版

有 著 作 權  
翻 印 必 究

抗 建 新 詠 全 一 冊

定 價 ；

著 作 者 ； 許 永 璋

印 刷 者 ； 安 徽 企 業 公 司 印 刷 廠

立 煌 桂 家 三 灣

總 經 售 ； 皖 報 社 營 業 部

立 煌 石 稻 場

安徽省政府教育廳圖書審查證第一零五號

086431

72

|    |
|----|
| 10 |
| 5  |
|    |